

2023-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerqarneranut

ILASSUTITUT ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik ilaasortarai:

Inatsisartunut ilaasortaq Hans Peter Poulsen, Siumut, siulittaasoq

Inatsisartunut ilaasortaq Jens Frederik Nielsen, Demokraatit, siulittaasup tullia

Inatsisartunut ilaasortaq Asii Chemnitz Narup, Inuit Ataqatigiit

Inatsisartunut ilaasortaq Lars Poulsen, Siumut

Inatsisartunut ilaasortaq Hans Aronsen, Inuit Ataqatigiit, suppleant for Maariia Simonsen

Inatsisartunut ilaasortaq Kuno Fencker, Siumut

Inatsisartunut ilaasortaq Jens Napaattooq, Naleraq

Ulloq 11. november 2022-imi aappassaaneerinninnerup kingorna ataatsimiititaliap siunnersuut misissorpaa.

Imarisai:

1. Aallaqqaasiut.....	3
1.1 Siunnersuutip aappassaaneerera	3
2. Pingajussaaneerinnissamat allannguutissatut siunnersuutit.....	5
2.1 Allannguutissatut siunnersuutit ataatsimut sunniutaat	5
3. Aningaasaqarnermut Akileraartarnermullu Ataatsimiititaliap oqaaseqaatai sammisanut agguataarlugit.....	6
3.1 Aningaasaliissutinut allannguutissatut siunnersuutit	6
3.2. Sammisqaq 6 – Teknikikkut allannguutit, pingajussaaneerinninneq	7
3.3. Sammisqaq 7 – Allannguutit missingersuutinut sunniuteqanngitsut, pingajussaaneerinninneq	7
3.4. Sammisqaq 8 – Oqartussaaffinnik allannguinerit	8
3.5 Sammisqaq 9 – Aningaasartuutaanerusut, pingajussaaneerinninneq	8
3.6 Sammisqaq 10 – Isertitassatut missingiutini allannguinerit	9
3.7 Sammisqaq 11 – Kommunitut ataatsimoortumik tapiissutit	9
3.8 Sammisqaq 12 – Aningaasanut inatsit pillugu isumaqatigiissut	10
4. Oqaasertaliussanut allannguutissatut siunnersuutit.....	11
4.1. Naalakkersuisut oqaasertaliussanut allannguutissatut siunnersuutaat	11
5. Aningaasaqarnermut Ataatsimiititaliap inassuteqaatai	13

Ilanngussanut takussutissiaq:

- F Siunnersuutip pingajussaaneerneqarnissaanut Naalakkersuisut aningaasaliissutinut allannguutissatut siunnersuutaat 16. november aamma 17. november 2022-imeersut. (Allannguutissatut siunnersuutit nr. 1-87).
- G Siunnersuutip pingajussaaneerneqarnissaanut Naalakkersuisut oqaasertaliussanut allannguutissatut siunnersuutaat 16. november 2022-imeersut. (Allannguutissatut siunnersuutit nr. 89-103).
- H 2023-mut aningaasanut inatsimmut isumaqatigiissut.
- I 2023-mi aningaasanut inatsisissatut siunnersuut pillugu Naalakkersuisunut apeqqutit nukinginnartut
- J Ataatsimiititaliap nukinginnartumik apeqqutaanut Naalakkersuisut ulloq taanna 19. november akissutaat, tak. ilanngussaq I.
- K Siunnersuutip pingajussaaneerneqarnissaanut Naalakkersuisut oqaasertaliussanut allannguutissatut siunnersuutaannut iluarsisissutit 19. november 2022-imeersut. (Allannguutissatut siunnersuutit nr. 89-103).

1. Aallaqqaasiut

Aningaasanut inatsisissatut siunnersuut ulloq 21. november 2022-mi pingajussaaneerneqarnissani sioqqullugu Aningaasaqarnermut Akileraartarnermullu Ataatsimiititaliamit suliarineqartussanngorlugu ulloq 11. novemberip aappassaaneerneqarnermi kingorna innersuuteq-qinneqarpoq. Naalakkersuisut allannguutissatut siunnersuutaat 102-t atsiukkat ulloq 17. november 2022-mi unnukkat ataatsimiititaliamit tiguneqarput. Ataatsimiititaliap isumaliutissiisuteqarnerata kingorna ullut pingasut qaangiunneranni oqaluuserisassani immikkoortut Inatsisartunit nalinginnaasumik aatsaat oqaluuserineqartaralarput. Tunniussivissalli qaangiutereernerani isumaliutissiisummik tunniussinissamut ataatsimiititaliaq Inatsisartut Siulittaasoqarfiannit immikkut akuerineqarpoq, taamaalillunilu pingajussaaneerinninnissaq ullunik marlunnik sioqqullugu ataatsimiititaliaq isumaliutissiisummik tunniussisinnaalarluni.

1.1 Siunnersuutip aappassaaneerera

Aningaasanut inatsisissatut siunnersuut Inatsisartunit tallimanngornermi ulloq 11. november 2022-mi aappassaaneerneqarpoq. Siunnersuummik aappassaaneerinninnermi siunnersuut Aningaasaqarnermut Akileraartarnermullu Ataatsimiititaliamit suliareqqitassanngorlugu innersuunneqarpoq.

Siunnersuutip aappassaaneerneqarneranut allannguutissatut siunnersuutininik 75-inik Naalakkersuisut saqqummiussipput, taakkunannga 61-it aningaasaliissutininut allannguutissatut siunnersuutaapput 14-illu oqaasertaliussanut allannguutissatut siunnersuutaallutik. Aningaasaliissutininut allannguutissatut siunnersuutininut nr. 53-mut 54-imullu isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut kinguartippaa. Allannguutissatut siunnersuutit sinneri ataatsimiititaliap inassuteqareerneratigut Inatsisartunit akuerineqarput. Taamatuttaaq oqaasertaliussanut allannguutissatut siunnersuutit tamakkerlutik akuerineqarput.

Siuliani oqaatigineqareersutut sammisaq 3-p ataani allannguutissatut siunnersuutit nr. 53-ip aamma 54-ip isummerfiginissaat aningaasanut inatsisissatut siunnersuutip pingajussaaneerneqarnissaanut ataatsimiititaliap **kinguartippaa**. Siunnersuutip aappassaaneerneqarnissaanut ataatsimiititaliap isumaliutissiisutaani sammisaq 3-p ataani ima oqaasertaqarpoq:

“4.3. Sammisaq 3 – Aningaasartuuteqarnerussutissat

Qulequttami tassani allannguutissatut siunnersuutininik 5-inik Naalakkersuisut saqqummiussipput. Allannguutissatut siunnersuutit taakku IST-p inerneranut aningaasanut

inatsiseqarfimmi 2023-mi 12,250 mio. kr.-inik, 2024-mi 2025-milu ukiumut 16,7 mio. kr.-inik aammalu 2026-mi 17 mio. kr.-inik ajorseriaataassapput.

Aningaasartuuteqarnerussutissat missingersuusiorneqanngitsut arlallit pinngitsoortinneqarsinnaanngitsutut nalilerneqarput, taamaattumillu missingersuutinut maannangaq ilanngunneqarlutik. Tamatumani pineqartut tassaapput:

- 1. Namminersorlutik Oqartussani qarasaasiaqarnikkut sillimaniarnerup qaffassarnerarneranut ukiumoortumik 4,4 mio. kr.-nik aningaasartuutit. Tamanna Namminersorlutik Oqartussat upernaq internetikkut akornusersorneqarnerisa malitsigisaatut pivoq.*
- 2. Ilerfinnik angallassinermut ukiumoortumik 1,8 mio. kr.-nik aningaasartuuteqar-nissamut inatsisitigut tunngavissamik qulakkeerineq*
- 3. Kigarsimap eqqaani qaqqat sisooratarsinnaanerannik 2023-mi 2,1 mio. kr.-nut mi-sissuineq 2024-miillu siunissamut ukiumoortumik 2,6 mio. kr.-t*
- 4. Pisortanit ikiorsiissutinik suliffissarsiornermilu ikiorsiissutinik nutarterinerup malit-sigisaanik meeqqanut tapiissutit pillugit inatsimmut nutaamut aningaasartuutit. Inatsit taanna AIS23-mi salliutitatut kukkunikkut nalunaarutigineqanngilaq.”*

Allannguutissatut siunnersuutinut taakkununga marlunnut inassuteqarnissami kinguartin-neranut konto pingaarnernut marlunnut, allannguutissatut siunnersuutini pineqartunut, missingersuutinut ilanngussat erseqqinnerusumik itisiliiffigineqarnissaannik kissaateqarnini ataatsimiititaliap tunngavilersuutigaa.

Taakkununga ataatsimiititaliap inassutaa:

Sammisaq 3-p ataani allannguutissatut siunnersuutit nr. 53 aamma 54 **akuerineqassasut** ataatsimiititaliamit **inassutigineqarpoq.**

Piffissami aningaasanut inatsiseqarfiusumi oqimaaqatigiittoqarnissaanik piumasaqaat Naa-lakkersuisut aappassaaneerinninnissamut allannguutissatut siunnersuutaasa akuerineqarne-risa kingorna eqqortinneqassasoq siunnersuutip aappassaaneerineqarnissaanut isumaliutis-siissummini Aningaasaqarnermut Akileraartarnermullu Ataatsimiititaliap oqaatigaa. Piffis-samut aningaasanut inatsiseqarfiusumut 2023-2026-mut tamarmiusumut IS-mi sinneqartoo-rutigisassatut missingikkat 8,0 mio. kr.-iusussatut naatsorsuutigineqarput, tamatumalu peqa-tigisaanik aningaasat ukiuanni 2023-mi IS-mi angusat 43,8 mio. kr.-inik amigartooru-teqarfiusallutik. Inernerisassani taakkunani allannguutissatut siunnersuutit nr. 53 aamma 54, isummerfiginissaat ataatsimiititaliap kinguartitai, ilanngunneqarput.

Tamanna tunngavigalugu aningaasanut inatsisissatut siunnersuutip Inatsisartunit pingajussaaneerneqarnissaanut Aningaasaqarnermut Akileraartarnermullu Ataatsimiititaliaq matumuuna ilassutitut isumaliutissiissuteqarpoq.

2. Pingajussaaneerinnissamat allannguutissatut siunnersuutit

Ungasinnerusoq isigalugu aningaasanut inatsisip oqimaaqatigiinneranik imaluunniit sinneqartoorfiuneranik qulakkeerinnittumik anguniagaqarnerup ingerlateqqinneqarnissaa pingaaruteqartoq siunnersuutip aappassaaneerneqarnissaanut isumaliutissiissummini Aningaasaqarnermut Akileraartarnermullu Ataatsimiititaliap oqaatigaa. Ungasissaq isigalugu Kalaallit Nunaanni aningaasaqarnikkut unammilligassat Aningaasaqarnermut Siunnersuisoqatigiinnit tikkuarneqartut ataatsimiititaliap tamatumani eqqarsaatigai. Annertuumik ingerlatsisoqarnera siunissamilu nunatta karsiata unammilligassai eqqarsaatigalugit amigartooruteqarnerup Aningaasaqarnermut Siunnersuisoqatigiinnit eqqumiiginartinneqarnera ataatsimiititaliamit maluginiarneqarpoq. Tamatumalu peqatigisaanik unammilligassat, nunarsuatsinni pisut kinguneri, Naalakkersuisut saqqummiussutiminni taasaat ataatsimiititaliamit paasineqarsinnaapput.

Taamaattumillu Naalakkersuisut allannguutissatut siunnersuutaat ataatsimiititaliap pissangalluni utaqqisimavai. Siunnersuutip pingajussaaneerneqarnissaanut allannguutissatut siunnersuutit 102-nik Naalakkersuisut saqqummiussipput, taakkunannga 87-it aningaasaliissutitut allannguutissatut siunnersuutaapput 15-illu oqaasertaliussanut allannguutissatut siunnersuutaallutik. Siuliani allasimasut tunngavigalugit piffissamat 2023-2026-mut tamarmut IS-mi ataatsimoortumik 172,8 mio. kr.-inik sinneqartooruteqarnissap missingersuutigineqarnera ataatsimiititaliamit assut pitsaasutut isigineqarpoq.

2.1 Allannguutissatut siunnersuutit ataatsimut sunniutaat

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinit isumaqatigiinniarnit tunngavigalugit Naalakkersuisut allannguutissatut siunnersuutit 102-inik ulloq 17. november 2022-imi saqqummiussipput. Taakkunannga 87-it aningaasaliissutitut allannguutissatut siunnersuutaapput, tak. ilanngusaq F, 15-illu oqaasertaliussanut allannguutissatut siunnersuutaallutik, tak. ilanngusaq G.

Isummernissamat tunngavissiami matumani siunnersuutigineqartut aammalu ilanngusaq 1-imi nalunaarneqartut akuerineqassappata AIS2023-p aappassaaneerneqarnerani pingajussaaneerneqarneranilu IS-imut sunniutissat takussutissiami matuma kingulianiittumi takutin-neqarput.

Aningaasat mio. kr.-nngorlugit	2023	2024	2025	2026
AIS2023-mi IS-ip inerera	71,4	40,1	-35,8	-91,9

Aappassaanerinissamut allannguutissatut siunnersuutit IS-mut sunniutaat	-27,6	11,8	11,8	12,1
Aappassaanerinermi IS-ip inernera	43,8	52,0	-24,0	-79,8
Pingajussaanerinissamut allannguutissatut siunnersuutit IS-mut sunniutaat	-49,9	-63,8	-38,6	-12,5
Pingajussaaneernermi IS-ip inernera	-6,1	-11,8	-62,6	-92,3

Tabelimi siulianiittumi takuneqarsinnaavoq aappassaanerinissamut pingajussaanerinissamullu allannguutissatut siunnersuutit malillugit AI2023-mi 2023-mi IS-imi angusani sinneqartoorutit 6,1 mio. kr.-ussasut allannguutissatut siunnersuutit saqqummiunneqarnermittut akuerineqarpata. Piffissami 2023-2026-mi tamarmi IS-imi sinneqartoorutit tamarmiusut 172,8 mio. kr.-ussapput.

3. Aningaasaqarnermut Akileraartarnermullu Ataatsimiititaliap oqaaseqaatai sammisanut agguataarlugit

Allannguutissatut siunnersuutit pillugit ataatsimiititaliaq ulloq 19. november Aningaasaqarnermut Naalakkersuisumut arlalinnik apeqquteqarpoq qinnutigalugulu apeqqutit ulloq taanna Naalakkersuisumit akineqassasut. Ilanngussat I aamma J innersuussutigineqarput.

3.1 Aningaasaliissutinut allannguutissatut siunnersuutit

Siusinnerusukkut taaneqareersutut Naalakkersuisut aningaasaliissutinut allannguutissatut siunnersuutinik nutaanik 87-inik (isumaliutissiissummi matumani ilanngussaq F) aammalu oqaasertaliussanut allannguutissatut siunnersuutinik 15-inik (isumaliutissiissummi matumani ilanngussat G aamma K) saqqummiussipput. Taamaalillunilu pingajussaaneerinninnissamut allannguutissatut siunnersuutit katillutik 102-upput. Sammisag 8 - 16-imut agguataarlugit konto pingaarnernut sammisat arfineq marluusut allannguutissatut siunnersuutinut ilanngussaq 1-imi takuneqarsinnaavoq.

Pingajussaaneerinninnissamut aningaasaliissutinut allannguutissatut siunnersuutit sammisanut ukununga immikkoortinneqarsimasut ilanngussaq 1-imi takuneqarsinnaavoq:

- Sammisag 6: Teknikikkut allannguutit, pingajussaaneerinninneq
- Sammisag 7: Allannguutit missingersuutinut sunniuteqanngitsut, pingajussaaneerinninneq
- Sammisag 8: Oqartussaaffinnik allannguinerit
- Sammisag 9: Aningaasartuutaanerusut, pingajussaaneerinninneq
- Sammisag 10: Isertitassatut missingiutini allannguinerit
- Sammisag 11: Kommunitut ataatsimoortumik tapiissutit

- Sammisag 12: Aningaasanut inatsit pillugu isumaqatigiissut

Sammisat ataasiakkaat imarisaat pingaarnert matuma kinguliani naatsumik allaaserineqarput.

3.2. Sammisag 6 – Teknikikkut allannguutit, pingajussaaneerinnineq

Qulequttami tassani allannguutissatut siunnersuutininik 7-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2023-imi ukiunilu missingersuusiorfiusuni IS-mut sunniuteqassanngillat.

Sammisami pineqarput missingersuutininut tapiliussanut oqaasertat ingerlatanullu takussutissiat il.il. nutarternerat.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisaq 6-ip ataani allannguutissatut siunnersuutit nr. 1-imit 7-imut **akuerineqassasut** ataatsimiititaliamit **inassutigineqarpoq**.

3.3. Sammisag 7 – Allannguutit missingersuutininut sunniuteqanngitsut, pingajussaaneerinnineq

Qulequttami tassani allannguutissatut siunnersuutininik 18-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2023-imi ukiunilu missingersuusiorfiusuni IS-mut sunniuteqassanngillat.

Sammisami missingersuutininut sunniuteqanngitsunik allannguutininik saqqummiussisoqarpoq aningaasaliissutinik nikisitsinikkut pisussanik.

Missingersuutininut sunniuteqanngitsumik nuussinerit arlallit tunuliaqutaralugit allannguutissatut siunnersuummik saqqummiussisoqarpoq. Allannguutissatut siunnersuutit ingammik makkununga malitsissutaapput,

- Konto pingaarneq 20.30.05 Nutaaliornermi suliassat suliniutissallu Naalakkersuisut Siulittaasuata Naalakkersuisoqarfianut, Aningaasaqarnermut Sulisoqarnermullu Aqutsisoqarfimmut kiisalu Aningaasaqarnermut Naligiissitaanermullu Naalakkersuisoqarfimmut aggulunneqarpoq.
- Inuussutissarsiornermut Nunanullu Allanut Tunngasunut Naalakkersuisup ataani takornariaqarnermik nalinginnaasumik ineriartortitsinissamut inuussutissarsiornermillu siuarsaanissamut aningaasaliissutit ilaattut Carbon capture storagemut tunngasumik suliniutinik ineriartortitsinissamut aningaasartuuteqarnissamut periarfissiisoqarpoq.

- Aningaasat kontoni pingaarnerni arlalinni Mittarfeqarfinnut immikkoortitat konto pingaarnermut nutaamut ataatsimut sullissinissamik isumaqatigiissut, mittarfiit katersorneqarput. Tamanna Mittarfeqarfiit aktiaatileqatigiinngortinneqarnissaanik aalajangerneq tunuliaqutaralugu pivoq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 7-ip ataani allannguutissatut siunnersuutit nr. 8-mit 25-imut **akuerineqassasut** ataatsimiititaliamit **inassutigineqarpoq**.

3.4. Sammissaq 8 – Oqartussaaffinnik allannguinerit

Qulequttami tassani allannguutissatut siunnersuutinik 2-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2023-imi ukiunilu missingersuusiorfiusuni IS-mut sunniuteqassanngillat.

CVR-imut akisussaaffiup Digitaalinnorsaanermut Aqutsisoqarfimmit Nunanut allanut Tunngasunut, Inuussutissarsiornermut Niuernermullu Naalakkersuisoqarfimmut nuunneqarnera tunuliaqutaralugu missingersuutinut sunniuteqanngitsunik marlunnik allannguutissatut siunnersuutinik saqqummiussisoqarpoq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 8-p ataani allannguutissatut siunnersuutit nr. 26-imit 27-imut **akuerineqassasut** ataatsimiititaliamit **inassutigineqarpoq**.

3.5 Sammissaq 9 – Aningaasartuutaanerusut, pingajussaaneerinninneq

Qulequttami tassani allannguutissatut siunnersuutinik 2-nik Naalakkersuisut saqqummiussipput. Taakku IS-ip inerneranut aningaasanut inatsisip ukiuani 2023-mi aammalu ukiuni missingersuusiorfinni ukiumut 1,7 mio. kr.-inik ajorseriaataassapput.

Upernaaq manna qarasaasiakkut saassussisoqarnera tunuliaqutaralugu Peqqinnissaqarfimmut qarasaasiat isumannaatsuunissaannut ukiumut 1,3 mio. kr.-nik ilassusiisoqarnera tunuliaqutaralugu allannguutissatut siunnersuutinik marlunnik saqqummiussisoqarpoq. Ilanngullugu Nunanut allanut tunngasunut, Inuussutissarsiornermut Niuernermullu Naalakkersuisoqarfimmut CVR-imik akisussaaffimmik isumaginninnermut aningaasartuutit qaffakkiartornerata malitsigisaanik ukiumut 0,4 mio. kr.-nik ilassusiisoqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 9-p ataani allannguutissatut siunnersuutit nr. 28-imit 29-imut **akuerineqassasut** ataatsimiititaliamit **inassutigineqarpoq**.

3.6 Sammissaq 10 – Isertitassatut missingiutini allannguinerit

Qulequttami tassani allannguutissatut siunnersuutininik 14-inik Naalakkersuisut saqqummiussipput. Taakku IS-ip inerneranut 2023-mi 56,2 mio. kr.-inik, 2024-mi 74,0 mio. kr.-inik, 2025-mi 48,8 mio. kr.-inik kiisalu 2026-mi 36,4 mio. kr.-inik pitsanngoriaataassapput.

Sammissami allannguutissatut siunnersuutininik 14-nik 2023-mi katillugit 56,2 mio. kr.-nik, ukiunilu aningaasanut inatsisiliorfiusuni 2023-2026 ukiumut 59,7 mio. kr.-nik missingersuutininik pitsanngoriartitsisunik saqqummiussisoqarpoq.

Ataatsimut akileraarutinit akitsuutinillu isertitassatut missingiutit qaffatsinneqarnerat siuliini missingersuutininik pitsanngoriaatinut tunuliaqutaavoq, tassani ingammik aalisarnermit isumalluutininik atuinermik akitsuutinit.

Taamaalilluni isertitassatut missingiutit nutaat aalisarnermit avammut niuernermit atugassari-titaasut nalinginnaasunngoqqilernerannik, aalisagaqatigiit aningaasaqarnikkut pingaaruteqarnerpaat maanna akigissaarnerannik ersersitsisuupput. Nunarsuarmili aningaasaqarnerup ineriartornera suli nalorninarpoq, ilaatigut takuuk kontu pingaarneq 24.10.10 Nuna tamakkerlugu akileraarut PAL-imik akileraarummit (soraarnerussutisiassanit katersanit iluanaarutininut akileraarut) iluanaarutissatut ilimagisat annertuumik appartinneqarnerat, Naalakkersuisut aappassaaneerinninnermi akissuteqaammi oqaatigisaat.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 10-p ataani allannguutissatut siunnersuutit nr. 30-mit 43-mut **akuerineqassasut** ataatsimiititaliamit **inassutigineqarpoq**.

3.7 Sammissaq 11 – Kommunitut ataatsimoortumik tapiissutit

Qulequttami tassani allannguutissatut siunnersuummik 1-imik Naalakkersuisut saqqummiussipput. Taanna IS-ip inerneranut 2023-mi 7,125 mio. kr.-inik, 2024-mi 1,7 mio. kr.-inik, 2025-mi 1,8 mio. kr.-inik pitsanngoriaataassaaq kiisalu 2026-mi 11,9 mio. kr.-inik ajorseriaataassalluni.

Sammissamut uunga 2023-mut kommunitut ataatsimoortumik tapiissutitut isumaqatigiissutit imarisaa tunuliaqutaralugu allannguutissatut siunnersuut saqqummiunneqarpoq.

Isumaqatigiissut 2023-mi, 2024-mi 2025-milu annikinnerusumik missingersuutit pitsanngoriarnerannik, 2026-milu missingersuutit ajorseriarnerannik nassataqarpoq. Kommunit pisortat ikiorsiissutaat kiisalu suliffissarsiornermi ikiorsiissutit pillugit inatsisartut inatsisaasa siusinnerusukkat akuerineqartut kinguartinneqarnissaannik kommunit kissaateqarnerannut missingersuutini allannguutit patsiseqarput. Inatsisit taakku maanna 1. januar 2023-mit ulloq 1. juli 2023-mut atulersinnissaat kinguartinneqassasoq maanna ilimagineqarpoq. Inatsisit malitsigisaannik kommunit allaffissornikkut sipaarutissaat taamaalillutik aamma siusinnerpaamik 2024-mut kinguartinneqarput.

Aningaasaqarnermut Ataatsimiititaliap isumaliutissiisummi matumani ilanngussaq H innersuussutigaa allannguutissatullu siunnersuutitut ataasiakkaanut ilassutitut oqaaseqaattissaqarani.

Sammissaq 11-ip ataani allannguutissatut siunnersuut nr. 44 **akuerineqassasoq** ataatsimiititaliamit **inassutigineqarpoq**.

3.8 Sammissaq 12 – Aningaasanut inatsit pillugu isumaqatigiissut

Qulequttami tassani allannguutissatut siunnersuutitut 43-nik Naalakkersuisut saqqummiussipput. Taakku IS-ip inerneranut aningaasanut inatsisip ukiuani 2023-mi 11,750 mio. kr.-inik aammalu ukiumi missingersuusiorfinni ukiumut 10,3 mio. kr.-inik ajorseriaataassapput.

Sammissami partiit aningaasanut inatsisissamik isumaqatigiissuteqarnerisa malitsigisaannik allannguutissatut siunnersuusiorortoqarpoq. Allannguutissatut siunnersuutitut ataasiakkaat imarisaa ilanngussaq 3 – 2023-mut aningaasanut inatsit pillugu isumaqatigiissummi erseqqinnerusumik allaaserineqarput. Soorlu ilanngussaq 1-imi ersertoq aningaasanut inatsit pillugu isumaqatigiissummi missingersuutitigut 2023-2026-mi aningaasanut inatsisissamut tamar-miusumut 45,2 mio. kr.-nik ajorseriassaaq.

Sammissami uani partiit ukioq manna aningaasanut inatsimmik isumaqatigiissuteqartut qitiusumik allaffeqarfissuarmi sipaarutissanik allanik suliniuteqarnissamik kissaateqarnerata malitsigisaannik, allannguutissatut siunnersuutit arlallit saqqummiunneqarput. Ataatsimut taakku ukiumut 10 mio. kr.-nik missingersuutitut pitsanngoriaatinik malitseqarput.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaattissaqanngilaq.

Sammissaq 12-ip ataani allannguutissatut siunnersuutit nr. 45-mit 87-imut **akuerineqassasut** ataatsimiititaliamit **inassutigineqarpoq**.

4. Oqaasertaliussanut allannguutissatut siunnersuutit

4.1. Naalackersuisut oqaasertaliussanut allannguutissatut siunnersuutaat

Oqaasertaliussanut allannguutissatut siunnersuutit 15-inik saqqummiussisoqarpoq. Sammisap ataani allannguutissatut siunnersuutit pingaarnert matuma kinguliani allaaserineqarput.

- Konto pingaarneq 20.11.56 Aaqqissuusseqqinnerit sunniutaat oqaasertaliussassanut siunnersuutit pingasut saqqummiunneqassapput. Oqaasertaliussat namminersorlutik oqartussat inissianik attartortittagaanni (ilaqutariinnut arlalinnut inissiat) iluarsartuussassatut pisariaqartitat annertusiartornerannik annikillartortitsinissaq siunertaralugu 1,5 mia. kr.-nik taarsigassarsinissaannut qularnaveeqquusiinissaannulluunniit peqatigisaanillu pilersaarusiukkamik piffissap ingerlanerani aserfallatsaaliinissamut naamat-tunik aningaasaliinissamut Naalackersuisunik piginnaatitsipput. Oqaasertaliussanik atuinnermut piumasagaatit arlaqarput, tassani Aningaasaqarnermut Akileraartarnermullu Ataatsimiititaliap akuersinera ilanngullugu.
- Aningaasanut inatsimmik isumaqatigiissuteqarnermi savaaqqat neqaat kisiisa pinnagit neqinik assigiinngitsunik tamanik eqqussuinnermi akitsuutit atorunnaarsitsineq tunu-liaqutaralugu oqaasertaliussat nutaat saqqummiunneqarput.
- EU-p Kalaallit Nunaanni sinniisoqarfimmik pilersitsineranik isumaqatigiissummut ata-tillugu, inuit EU-p Kalaallit Nunaanni allaffiani sulisussatut aallartitat kiisalu inuit tassunga attuumassuteqartut, aningaasarsianik akileraarutit, eqqussuinnermi akitsuu-tinik, naqitsinnermi akitsuutit il.il. akiliisinnerqartannginnissaannik Naalackersuisut piginnaatinneqarput. Oqaasertaliussakut EU-p aallartitai naalagaaffiit allat aallartitaasa atugaasa assiginik atugassaqartinneqarput. EU-p naalagaaffiunani naalagaaffiit sule-qatigiit oqartussaaffiattut taaneqartartuunerata oqaasertaliussat pisariaqalersippai. Kalaallit EU-mi sinniisui Bruxellesimi aamma taamaattunik atugassaqartinneqarput.
- Siunertamut konto 24.10 Toqqaannartumik akileraarutit Akileraartarnermut Aqutsiso-qarfiup Aningaasarsianit akileraarutit pillugit inatsimmi § 19b aalajangersakkamik sani-oqqutisinnaneranik piginnaatitsisumik oqaasertaliussamik nutaamik saqqummiussiso-qarpoq. Taamaaliornikkut ilaannakortumik akiliunneqarluni angalanerit akileraaruserne-qartarnerannik malittarisassat nutaat, UKA2021-mi atulersinneqartut atorunnaarsinne-qarput. Taamaalluni inatsisinik paasinninnermut siusinnerusumut, akiliunneqarluni sulingiffeqarnermik angalanerit akileraaruserneqartarnerat, inatsimmi aalajangersima-sumik tunngavigititanut taarsiullugu akileraartarnermut aqutsisoqarfiup sukumiisumik naliliisarneranut utertoqarpoq.
- Biilit innaallagissamik ingerlatillit plug-in hybridbiilillu eqqussuinnermi akitsuuteqartin-neqannginnerat ukiumik ataatsimik sivitsorneqarpoq. Taakku pillugit isumaliutit akile-raartarnermut aaqqissuusseqqinnermik suliaqarnermut atatillugu pissasoq naatsorsuu-tigineqarpoq.
- Siunertamut konto 40.95 Eqqumiitsuliorneq "Nunatta Eqqumiitsulianik Saqqummersit-sivia"-nik aningaasaateqarfimmut 50 mio. kr.-t angullugit akiliinissamut pituttuisumik neriorsuuteqarsinnaanermik Naalackersuisunik piginnaatitsissut oqaasertaliussatut nu-taatut ilanngunneqarpoq. Tapiissutit suliniutip inaarsarnissaanut ataatsimut sanaartor-

nissamut aningaasartuutissat naammassineqarnissaannut peqataaqataassaaq. Aningaasaateqarfiup 260 mio. kr.-nik annertussuseqartumik ataatsimut suliniummut aningaasartuutissat sinnerinut aningaasalersuineramik qularnaarineramik pituttuisuimilluunniit tamanna pillugu neriorsuuteqarnermik Aningaasaateqarfiup siulersuisuisa uppersarsaasiinissaat, tapiissutinik tunniussinissamut tunngavissaatinneqarpoq.

- Konto pingaarneq 72.26.04 Mittarfeqarfiit A/S nunap immikkoortuini toqarfinnik ingerlatsinermut aserfallatsaaliinermullu Naalakkersuisut Mittarfeqarfiit A/S-mik sullissinissamik isumaqatigiissuteqarsinnaanerannik piginnaatitsisumik oqaasertaliinissamik qinuteqartoqarpoq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissatut siunnersuutit nr. 89-imit 103-imut **akuerineqassasut** ataatsimiititaliamit **inassutigineqarpoq**.

5. Aningaasaqarnermut Ataatsimiititaliap inassuteqaatai

Sammissaq 3-p ataani allannguutissatut siunnersuutit nr. 53 aamma 54 **akuerineqassasut** ataatsimiititaliamit **inassutigineqarpoq**.

Sammissaq 6-ip ataani allannguutissatut siunnersuutit 1-7 **akuerineqassasut** ataatsimiititaliamit **inassutigineqarpoq**.

Sammissaq 7-ip ataani allannguutissatut siunnersuutit 8-25 **akuerineqassasut** ataatsimiititaliamit **inassutigineqarpoq**.

Sammissaq 8-p ataani allannguutissatut siunnersuutit 26-27 **akuerineqassasut** ataatsimiititaliamit **inassutigineqarpoq**.

Sammissaq 9-p ataani allannguutissatut siunnersuutit 28-29 **akuerineqassasut** ataatsimiititaliamit **inassutigineqarpoq**.

Sammissaq 10-p ataani allannguutissatut siunnersuutit 30-43 **akuerineqassasut** ataatsimiititaliamit **inassutigineqarpoq**.

Sammissaq 11-p ataani allannguutissatut siunnersuut nr. 44 **akuerineqassasoq** ataatsimiititaliamit **inassutigineqarpoq**.

Sammissaq 12-ip ataani allannguutissatut siunnersuutit 45-87 **akuerineqassasut** ataatsimiititaliamit **inassutigineqarpoq**.

Oqaasertaliussanut allannguutissatut siunnersuutit nr. 89-imit 103-mut **akuerineqassasut** ataatsimiititaliamit **inassutigineqarpoq**.

Allannguutissatut siunnersuutit aappassaaneerinninnermut pingajussaaneerinninnissamullu saqqummiunneqartut Inatsisartunit taasissutigineqareerneranni inatsisissatut siunnersuut tamarmiusoq iluserilikkamisut iluseqartoq **akuerineqassasoq** ataatsimiititaliamit **inassutigineqarpoq**.


Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.



Hans Peter Poulsen
Siulittaasoq




Jens Frederik Nielsen
Siulittaasup tullia



Asii Chemnitz Narup




Lars Poulsen



Hans Aronsen



Kuno Fencker



Jens Napaattooq